



Axudas para o mantemento e conservación do patrimonio etnográfico no territorio histórico dos camiños de Santiago

- **Orde**

Orde do 16 de decembro de 2009 pola que se establecen as bases reguladoras que rexerán as axudas destinadas ao **mantemento e conservación do patrimonio etnográfico no territorio histórico dos camiños de Santiago** para particulares e institucións sen ánimo de lucro e se procede á convocatoria para o ano 2010 – DOG nº 250 do 24 de decembro de 2009 – Consellería de Cultura e Turismo (Dirección Xeral de Patrimonio Cultural).

- **Data límite da solicitude.**

24 de xaneiro de 2010

- **Beneficiarios**

Persoas físicas, comunidades de bens e persoas xurídicas sen ánimo de lucro que sexan propietarias, posuidoras ou titulares de dereitos reais respecto dos bens inmoables do patrimonio etnográfico.

- **Actuacións subvencionables:**

- Defínense como **bens inmoables pertencentes ao patrimonio etnográfico** (artigo 64 da Lei 8/1995 do patrimonio cultural de Galicia) **os que constitúan formas relevantes e expresión da cultura e modos de vida tradicionais e propios do pobo galego nos seus aspectos materiais e inmateriais**, tales como vivendas tradicionais, hórreos, cabazos, cabaceiras, piornos, celeiros, paleiras, alpendres, pallozas, pozos, muíños, fontes, lavadoiros, fornos, pombais, muros, peches, emparrados...., e outros de carácter similar.
- Será requisito imprescindible que nos bens **permanezan recoñecibles as súas características construtivas, estruturais e formas orixinais**.
- **Deberán estar localizados** nalgunha das parroquias polas que discorre o Camiño (en Cambre, **Sigrás e Anceis**).
- As **actuacións subvencionables serán de 3 tipos:**
 - **Obras de eliminación ou minoración de impactos:** teñen por obxecto a eliminación de elementos e adición constructivas sen valor cultural e que deturpen a apreciación e a función do ben, e as obras de acabamento ou remate funcional que melloren as súas condicións de conservación e apreciación. As actuacións serán apreciadas desde o espazo público.



- Obras de conservación e mantemento: as que teñan como finalidade o mantemento do inmovible coas súas características e materiais orixinais. Consistirán en reparacións puntuais, limpeza e substitucións concretas de elementos deteriorados e aquelas que deriven das operacións de reparación dos danos habituais provocados polo paso do tempo ou polo seu uso característico.
- Obras de restauración: as que teñan por obxecto a restitución da imaxe e unidade do ben, a través de operacións de reintegración de elementos moi deteriorados o perdidos, co fin de recuperar o carácter orixinal do inmovible e da súa función e que supoñan a execución de elementos de entidade construtiva.
- **Non serán subvencionables** as seguintes actuacións:
 - A alteración da forma, dos materiais ou do tipo e sistema construtivo tradicional.
 - O traslado ou os recuamentos, agás recuamentos por razóns de estrita conservación que deberán ser xustificadas convenientemente.
 - A reforma para a instalación dun novo uso alleo ao seu valor etnográfico.
 - A utilización de materiais tecnolóxicos alleos á tradición construtiva e descontextualizados respecto dos valores etnográficos do elemento.
 - A eliminación dos recibos ou dos revestimentos tradicionais para deixar vistas fábricas de pedra que non tiñan este remate tradicionalmente.
 - A limpeza dos elementos artísticos ou de senlleiro valor etnográfico, en que se empreguen técnicas ou procedementos que eliminen a pátina do tempo.
 - Os chorreados de calquera tipo (da auga, de area, os granallados...) como técnica de limpeza sobre as fábricas ou os elementos orixinais.
- **Contía das axudas**: ata o **50 % do custo de execución material** do proxecto autorizado, cos seguintes límites máximos de subvencións:
 - Obras de eliminación ou minoración de impactos: 1.500 euros.
 - Obras de conservación e mantemento: 2.500 euros.
 - Obras de restauración: 6.000 euros
- **Criterios de valoración das solicitudes**
 - A protección legal en materia de patrimonio cultural: 10 puntos para os bens BIC e 8 para o resto.
 - A proximidade á traza do camiño: 10 puntos para os bens situados dentro das dúas franxas de 30 metros de largo contados a partir dos límites exteriores do camiño.
 - O mantemento do uso tradicional: 10 puntos para os bens que manteñen o seu uso tradicional e 5 para o resto.
 - A singularidade e valor cultural do ben: ata 30 puntos.
 - A calidade ambiental e paisaxística do contorno en relación co ben: ata 10 puntos.
 - A calidade da proposta da intervención: ata 30 puntos.